



Politička organizacija građana "Naša stranka"

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: nasastranka@nasastranka.ba

Web: www.nasastranka.ba

Sanela Klarić, zastupnica u Skupštini Kantona Sarajevo
Sarajevo, 24.4.2024.

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r predsjedavajući Skupštine Kantona Sarajevo g. Elvedin Okerić

Uputiti:

Vlada Kantona Sarajevo
Ministarstvo komunalne privrede, infrastrukture, prostornog uređenja, građenja i zaštite okoliša KS
Ministarstvo kulture i sporta KS
Kantonalni Zavod za zaštitu kulturno-historijskog i prirodnog naslijeđa Sarajevo
Komisija za zaštitu kulturno-historijskog naslijeđa
Kantonalni Zavod za planiranje i razvoja KS
Kantonalni Zavod za izgradnju KS
Grad Sarajevo

PREDMET: ZASTUPNIČKA INICIJATIVA

Poštovani, na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), gore navedenom ministarstvu upućujem zastupničku inicijativu da se projekti rekonstrukcije fasada na objektima koji su zaštićeni kao kulturno historijsko naslijeđe KS tretiraju dodatno i kroz mjere energetske efikasnosti i zelenog certificiranja prema najnovijim i najboljim praksama u EU.

OBRAZLOŽENJE:

Kanton Sarajevo je usvojio Zeleni Akcioni plan i jedan je od 100 odabranih gradova Evrope koji se obaveza da će do 2030. god., kroz projekte održivog razvoj i cirkularne ekonomije, ostvariti ciljeve potpune dekarbonizacije.

Svjesni smo da obnovom fasada i zamjenom prozora objekata koji su zaštićeni kao kulturno-historijsko naslijeđe u Sarajevu sigurno će dobiti estetski ljepši izgled. Međutim upravo radi prilika održivog razvoja, obaveza prema usvojenim dokumentima i namjerama Kantona Sarajeva, smatram da je važno da se aktivnosti obnove fasade i zamjene prozora usmjere i uvežu sa aktivnostima i mjerama energetske efikasnosti i obnovljivim izvorima energije odnosno svim mjerama zelenog certificiranja.

Na primjeru planirane aktivnosti sanacije i restauracije fasade i cjelokupne fasadne stolarije objekta Narodnog pozorišta Sarajevo, sa financiranjem Vlade Kantona Sarajevo i Grada

Sarajeva, koji su za svaku pohvalu, možemo pokrenuti ove značajne promjene u načinu planiranja ovih sanacija. Želim Vas također obavijestiti da uprava Narodnog pozorišta razumije sve prednosti koje se navode u ovoj inicijativi te su spremni da planiranom sanacijom i restauracijom nastave u drugim fazama dostići i mjere uštede energije. Narodno pozorište Sarajevo će pokrenuti aktivnosti na identificiranju dodatnih mjera unaprijeđenja energijske efikasnosti i korištenja obnovljivih izvora energije u objektu, a kako bi dodatno unaprijedili komfor korisnika, izvođača i uposlenika, te dodatno smanjili troškove za energiju i vodu. Nadogradnjom projekta obnove fasade i zamjene fasadne stolarije sa unaprijeđenjem sistema ventilacije, grijanja i hladnja možemo minimalno uštediti 50% trenutnih troškova, a uz korištenje obnovljivih izvora energije naše troškove možemo dodatno značajnije smanjiti.

Naime godišnji troškovi na komunalije zgrade Narodnog pozorišta za grijanja, hlađenja, električne energije i vode iznose preko 320.000 KM. Urađenim glavnim projektom sanacije i restauracije fasade i cjelokupne fasadne stolarije objekta Narodnog pozorišta Sarajevo, postit će poboljšanja u komforu korisnika i uposlenika, daleko poboljšati zvučna izolacija, kao i uštede u energiji i godišnjim računima. Međutim, kako bi pokušali da predviđenim radovima na fasadi i fasadnoj stolariji maksimiziramo uštede, važno bi bilo da u ovoj fazi projekta umjesto planiranih jednostrukih prozora sa dvostrukom ostakljenjem, ugradimo prozore sa trostrukim ostakljenjem. Fasadnu stolariju nakon planirane zamjene nećemo sigurno mijenjati u narednih 50 godina, pa je važno da gdje je to moguće uradimo što je bolje moguće. Trostruko ostakljenje nije potrebno planirati na fasadnoj stolariji sa dvostrukim prozorima, mogu ostati sa dvostrukim ostakljenjem obzirom da imamo praktično dupla dvostruka ostakljenja na dvostrukoj stolariji.

Smatramo da objekat Narodnog pozorišta i kolektiv mogu i moraju biti pioniri najboljih praksi obnove historijski zaštićenih objekata u Evropskim gradovima od kojih puno možemo naučiti i preuzeti. U tim EU praksama se obezbjeđuje samoodrživost objekata i institucija koje njima upravljaju što je važno jer uštede od komunalija možemo usmjeriti u razvoja programa i kapaciteta. Uvjereni smo da uz podršku EU fondova i projekata možemo obezbijediti učešće stručnjaka iz EU koji u saradnji sa našim lokalnim stručnjacima mogu preuzeti najbolje prakse. Postoji niz adresa donatora kojima možemo delegirati ovaj projekt kao projekt posebnog značaja za Kanton Sarajevo.

Vjerujem da je vrijeme da promislimo i na efikasniji način usmerimo budžetska sredstva u budućnosti kroz usvajanje i provođenje najboljih praksi održivog razvoja. Zgrada Narodnog pozorišta je idealna prilika da pokrenemo promjene.

S poštovanjem,

Sanela Klarić, zastupnica